

3

TENTAMEN MEDICUM DE VARIOLIS,

AUCTORE

JOANNE - BAPTISTA BO , Muribarenfi , Diœcesis
Ruthenenfis, Liberalium Artium Magistro.

*Pro primâ Apollinari Laureâ confequendâ , in
Augustiffimo Ludovico Medico Monspeliensi ,
mense Decembri , anni 1769 , propugnatum.*

Natura nos decimabat , dum nos millefimat ars. *M. de la Condamine ,
Mém. fur l'Inoc.*



MONSPELII ;

Apud AUGUSTINUM-FRANCISCUM ROCHARD , Regis & Universitatis
Typographum unicum.

M. DCC. LXX.

*conseiller
9/4/12*

THE NATIONAL

ARCHIVES

OF THE UNITED STATES

OF THE

DEPARTMENT OF THE INTERIOR

OFFICE OF THE SECRETARY

WASHINGTON, D. C.




1900

RECEIVED

SEP 10 1900

U. S. DEPT. OF THE INTERIOR



DE VARIOLIS

TENTAMEN MEDICUM.

QUædam de Variolis naturâ & arte productis verba facere in animum induximus ; at verò ut excerptiones nostras variis in locis factas digeremus (inventa enim disponere tyronis non est), agemus 1°. de Variolis naturalibus. 2°. De Variolis infitis.

CAPUT PRIMUM.

De Variolis naturalibus.

Tòt intèr & tantos morbos quibus miserè torquetur humana gens ; uti dirissimos præstantes effectus non immeritò recensentur Variolæ. Hippocrati, Galeno, Celso aliisque Medicis antiquis tùm græcis tùm latinis Variolas fuisse ignotas haud dubium esse videtur ; de illis enim nullus apud eos fit sermo, nec apud historicos græcos aut latinos facies cujusdam hominis subcavis quibusdam cicatricibus sparsim fædèque in culpata refertur. Plinius qui novos plures morbos enumerat Variolas omisit : quod etiam ulterius confirmat Lister, novum enim, inquit morbi genus est, & licet antiqui aliquam de his pustulis mentionem fecerint, ea certè admodum exigua & dubia, ipsum verò morbum uti nunc est delineatum non exhibuere.

Arabes inter quos Rhases, Avicenna & Alsaharavius primam hujusce morbi notitiam tradidere nobis. Nihil tamen certi de ipsius origine constat. Saracenos Freindius Variolarum esse propagatores, sed

primitus eas passos remotæ Asiæ habitatores alios, contendit. Interioris Affricæ incolas incusat ill. *Stahlius*. In Europam advectum fuisse Variolosum contagium, tempore quo bella dicta *Croisades* vigeant, refert *celeberrimus Sauvagesius*.

Hominem omnem semel Variolis affici asserit *Willisius*; rarum & inusitatum naturæ prædicans eventum, si vel nunquam, vel sæpius in eadem quispiam inciderit. Non modò quibusdam hominibus, sed ferè omnibus adeò communes voluit Variolas *Clar. Diemerbroek*, ut paucos mori dicat, qui vivi ab iis aliquando non tentati fuerint. Princeps sanè practicorum & observatorum, *Fidissimus Sydenhamus* hoc ipsum testatur, cum Variolas nemini parcere affirmet, cuiuscumque demum ætatis is fuerit, nisi prius hoc morbo laboraverit. Frequentius infantes, rarius adultos, rarissimè senes, Variolæ corripunt. Quod veræ Variolæ bis hominem in suâ vitâ impetant, res videtur, ex observatis ill. *de Haen*, demonstratæ veritatis, sed equidè raræ, nisi eò referre velis vel retrogressas & repullulantes, vel eas quæ nutricibus aliisque à frequenti corporum Variolosorum attactu subnasci solent. Juvenem unà cum semi-tertianâ in Variolis illapsum, in tribus recidivis febris tres Variolarum recidivas passum posteaque parotides, refert *Spigelius*.

Circà Variolarum causas quàm vanæ, & futes excogitatæ fuerint hypotheses, nemo est qui ignoret. Alii sanguinem menstruum tempore gravidationis intentum; alii lac maternum ab infantibus haustum; alii sanguinem, resecto umbilico, in vasis umbilicalibus stagnantem & putrescentem; alii mæconium; alii ipsam sanguinis in fœtu constitutionem, quâ ille post partum cum aëre liberiori permixtus, multum instar, ebullitione & despumatione tali indigeat; alii quidpiam aliud in culpa esse pronuntiant. Veram autem hanc causam cum peritissimis artis magistris ignotam libenter pronuntiabimus.

*Multa tegit sacro involucro natura, nequè ullis
Fas est scire quidè mortalibus omnia.*

In his enim naturæ arcanis, quæ de facto sunt exponere sufficiat, necnon Variolas per effectus dignoscere: sciamus tantum eas omnes ferè mortales invadere, neminemque ab his ad extremam usquè senectam tutum esse constare.

Quoad Variolarum naturam, experienciâ constat, dari eas à stimulo quodam epidemico aut venenato, cujus indoles, vis, agendi modus, nos latent: circà hæc igitur spectatorem agat medicus, theoriam solâ observatione firmatam sibi permittat, quâ & decursus,

& varium morbi genium probetur; probenturque naturæ, tum salutaria, tum nociva molimina.

Non negligenda tamen quæ de usu vel abusu sex rerum non naturalium haberi possunt, & quæ ad causas procatharticas referri debent. His enim obtunditur vel amittitur stimuli variolosi energia, vel etiã varia dantur phænomena, quæ licet morbo non essentialia, adæquatam tamen circa illum therapeiam indicant. Hæc observatis comprobare difficile non esset, & in dissertationis nostræ decursu minimè attendenti apparebunt.

Quàm contagiosa sit hujus morbi indoles quotidiana docet experientia, adeo ut vel unus puerulus Variolis correptus, longè latè-que sæpissimè luem dispergat. Sæpè tamen vel intrà unum alterumve domicilium, in ipsis quãsi incunabulis extinguitur morbus, si unà non conspirent contagium fovens & aëris occulta constitutio. Contagii hujus commune vehiculum aër videtur esse, Variolosum miasma per respirationem cruori admiscens, quamvis per tactum, lintea, & vestimenta quoque Variolosum pus sæpius communicetur. Hoc autem observandum, quod una eademque Variolosi contagii materies, in eodem loco & in iisdem ædibus homines omnes quos simul vel successivè infestat, in illis diversas satès Variolarum species, quoad formam externam, vel respectu symptomatum, producat. Effectus hi unius ejusdemque Variolosi contagii abundè satès declarant phænomenorum diversitatem quærendam esse, partim in corporum ægrotantium, quoad solidas fluidasque partes, constitutione, partim in ætate vitæ consuetæ regimine, aërisque temperaturâ. Multum facit instans sanguinis status ad promovendum aut arcendum veneni effectum. Hunc vipera mordet aut rabidus canis, illumque itidè: alterum cita mors abripit, alter vix quidem ægrotescit. Idem observatur in Variolis qui sæpè cutim illorum inficiunt, qui istis jam laborarunt: quod illis contingit, quibus res est cum hominibus hoc morbo affectis; cum alio tempore quidam, ut earum contagio afficerentur, ægrotantium hypocaustra sedulo, sed frustra visitant. Quod etiã ex inoculatione melius compertum est, cum pus ex uno eodemque subjecto desumptum, varias in diversis hominibus Variolas, variosque febris gradus excitet.

Variolosa lues sævitiem suam omni anni tempestate exercet. Frequentiùs incipit versùs æquinoctium vernale; quibus verò annis non tantum epidemicè grassantur, sed & irregularis periculosisque sunt generis maturiùs non nunquam invadunt. Aliàs se produnt æstivo tempore, autumno, rariùs brumali. Modò epidemicè, modò sporadicè grassantur, ubi notandum epidemias Variolosas raro attingere loca à magnis frequentiæ hominum centris longè remota, raro

adhuc , sed frequentius pagos oppidulis viciniore , rursùm frequentius sed rarò adhuc ipsamet oppidula : uno verbò ex observatis *Celleb. Rosen* , quò minùs numerosæ sunt hominum societates & commercio alieno implicitæ , eò rariùs in illas grassantur Variolosæ epidemiæ.

Cùm maximè affines sint morbilli & Variolæ ; in quo hæ ab illis differant notatu dignum est. Ratione præludii differunt Variolæ à rubéola , 1°. in hâc enim nequè lumbago , nequè convulsiones vulgò observantur. Præcedunt vero symptomata catharralia. 2°. Papulæ rubeolosæ intrâ paucos dies in cuticulæ furfuraceam desquamationem vergunt. Hoc etiàm peculiare habent morbili , quod illis evanescentibus , debito quamvis morbi tempore , febris increseat , tussis , & respirandi difficultas augeatur , imò & sæpè peripneumonia sequatur. Observandum tamen circâ hæc differentias , quod aliquandò hîc falli detur. Quo enim tempore Variolæ & morbilli grassantur , non rarò perambiguum fit , utra harum futura sit (febre jam obortâ) eruptio : ità quidè , ut si ex febris natura morbillos expectaveris , Variolas quandòque prodire cernas , & vicè versâ. Imò etiàm ambo in eodem subjecto efflorescere observavit *Etmuller* , & post illum *D. Clar. Brieudès Aurilacensis Medicus*. Ex eo quod eodem aut succedente mox tempore varii hi morbi simul grassentur , in eadem familiâ homines promiscuè afficiant , eademque corpora simul infestent , similitudinem gerant symptomatum ; nonnè hînc credibile , quod origine naturâque vix multùm differant ; sed vario potius modo quo cutim afficiunt , variâ quâ sanguinem mutant ratione ?

Quamplurimæ sese offerunt in Variolis varietates , quibus inter se toto cælo differre notum est. Pustularum præprimis numerum , amplitudinem , copulationem spectantes , auctores , alias dixere discretas , alias confluentes ; has malignas , benignas alias. Huic divisioni non assentimur , cùm experienciâ & observatione compertum sit malignas dari Variolas , licèt discretas , benignasque , licèt confluentes. Meliùs ideò generalis statuitur Variolarum divisio , in benignas & malignas. In utrâque specie aliæ discretæ , aliæ confluentes : & benignæ habendæ , quæ absquè ullo vel minori periculo quandòque sine incommodo sua decurrunt stadia ; malignæ verò quæ sua absolvendo tempora , ægrotum in summum vitæ periculum adducunt. Quoad diversas Variolarum tùm benignarum quàm malignarum species , cùm ex symptomatum varietate pendeant , ex illorum enumeratione mox tradendâ petantur.

Multa nec-non gravia consideranti sese offerunt in Variolis symptomata , quæ quidè omnia , ad quatuor hujusce morbi terminos , quâsi epochas , referenda sunt. Hi autè termini invasionem , eruptionem ,

tionem, suppurationem, & exsiccationem complectuntur. Variolarum benignarum discretarum invasionis seu præludi phænomena sunt, vagus horror, rigor, quos mox excipiunt frequentia pulsus, calor, lassitudo spontanea, cephalalgia, nausea, vomitus, dolor in scrobiculo cordis, lumbago, ingens in sudores propensio in adultis, quæ ut plurimum prænuntiat Variolas minimè confluxuras. Dyarrhæa in infantibus, & non nunquam paroxysmi epileptici, boni ominis, (etsi sint epidemiæ in quibus planè fallax sit hoc augurium.) Non nunquam tamen accidit, quod hæc periodus sensim atque gradatim sine insigni aliquâ ægritudine transigatur, priusquam materiæ expulsio pustularum eruptione se prædat: quæ eruptio, sub finem tertii diei quartive ab invasionis initio apparet, nisi insuperabile detur repagulum, five ratione fibrarum constrictionis, five ratione oppressionis aut virium cordis penuriæ, five vitii humorum ratione: in illis enim casibus, ad duodecimum usquè diem protrahitur eruptio.

Erumpunt 1°. Variolæ in facie; quædam circa labia ope luminis puncticula percipiuntur; rapido dein progressu mentum, faciem, brachia, totumque corpus sensim occupant. Pustulæ crescunt raræ, plenæ coloris, dilutè rosei phlegmonis æmulæ, in dies grandescunt, & in majus fastigium elevatæ, cutem carnesque vicinas rubore atque inflammatione afficiunt. Eruptione factâ mitescere aut penitus evanescere solent symptomata, quæ nisi circa suppurationis tempora non recrudescent. Adulti tamèn in sudores propensi, vix ab illis cohiberi possunt; ut ut leviter tangantur, quæ quidèm diathæsis, nisi pustulis jam maturescentibus, ægrum & ferè semper sua sponte deferit.

Septimo circiter die incipit suppuratio ubi primùm eruperant pustulæ, sensim dein in reliquis corporis partibus. Intervalla prius subalbida rubere jam incipiunt, & in molem attolli, cum dolore acuto: faciei pustulæ hætenus leves & rubræ, jam exasperantur & albicant, basim earum cingit circulus roseus, serum in illis contentum spissatur, flavescit, in pus convertitur; febris tunc apparet si jam ab eruptione evanescit, uti in discretis benignis, vel recrudescent in confluentibus. Paulatim insupèr, succum quemdam luteum à flavo non abludentem transudant. Generalis tumor cutis apparet, in facie imprimis nec-non in artubus sensibilis: faciei interim & manuum inflammatio ad summum evecta; apicem colorem exhibet in pustularum interstitiis satè floridum, plus minùs-ve, quò mitiores sunt Variolæ & geminæ magis. Non rarò accidit, ut palpebræ usque adeò impleantur ac extendantur, ut æger luce quandoque privetur. Quod quidèm symptoma omni periculo vacat, saltèm in hac specie. Intrà très dies terminatur suppuratio, & incipit exsiccatio. De hac-ce verò priusquàm agamus, observandum, quod si pure confecto via sibi

extus non paretur & excludatur, e contrà verò coërceatur; in sanguinis oceanum remeat, febris secundariæ Variolis confluentibus imprimis familiari, locum dat. Conferunt etiam ad formationem ejus, cutis tensio & dolor, serositatis aëris pustularum basi collectæ resorptio, suppressa transpiratio.

Exsiccationis tempore, ut plurimum præterlapsum est omne periculum, æger *Apyretos* redit, faciei tumor atque inflammatio recedunt: pustulæ quæ primæ erupere, maturitatem jam adeptæ, evanescent ac decidunt, atque decimo quarto circiter die, funditus pereunt. Pustulis faciei succedunt squamulæ furfuraceæ, quas aliquando excipiunt foveæ cutis. Observavit tamen Ill. *Sydenhamus* in constitutionibus quibusdam epidemicis, exsiccationis tempore febrem putridam oriri secundariam, omnes fermè ægrotantes vario modo ad orbem ducentem.

Observatur apud *Helvetium* varietas, in quâ septimâ die, nulla fit suppuratio; sed pustulæ sensim terminantur absque ullo vitæ discrimine, & quandoque sine *Pyrexia* sensibili, hæc varietas resoluta vocatur: quod sedulo distinguendum à pustularum recessu in aliis speciebus aliisque stadiis funestissimo.

Symptomata cum Variolis supra descriptis communia, habent benignæ confluentes. At hæc interiora imò verò non nunquam eruptionem præcedit dyarrhæa, & ad diem unum alterum-ve post illam protrahitur. Minor est in sudores propensio. Citiùs erumpunt pustulæ, numerosiores, invicem cohærentes: si quandoque tardiùs, atrocibus quibusdam symptomatibus, uti acutissimo dolori in lumbis, nephritici æmulo, in latere pleuritici, debetur. In eruptione nequaquam, ut in benignis discretis remittunt symptomata, sed cum febre toto in morbi decursu ægrum discruciant. Erumpentibus pustulis, non in molem aliquam attolluntur; at minus fastigiatae & magnitudinis ratione paucò exiguiore apparent. Confunduntur in vesiculam rubram, quæ totum contegit vultum, postmodum ad instar pelliculæ vultui agglutinatae, cutis superficiem non admodum superant.

Die circiter octavo aggeries pustularum quæ pelliculam albam constituit, quotidie magis exasperatur, fusca evadit, & dolet. Intenduntur in dies, tum asperitas, tum cutis color, donec tandem pellicula latioribus laminis desquamatur; quod aliquando, si morbus truculentior fuerit ad decimum quintum, vigesimum & seriore diem protenditur, pustulis usque ad id tempus ita incrustatis exsiccatisque, & in carnes quasi impactis, maximè in ipsâ facie, ut ad suppurationem nullâ arte adduci queant. Ubi primum pellicula hæc deciderit, nullâ quidem scabritie vultum afficit: at verò mox illam excipiunt squamulæ furfuraceæ indolis, perquam corrosivæ, quæ po-

tentiores excavant foveolas , etſi admodum ſæviat morbus , faciem cicatricibus ſædè deturpant , ditioraque alia phænomena procreant. Hæc ſunt ſymptomata , quibus ſe produnt Variolæ benignæ confluentes. Aliquando tamen nunc ereſypelatis , nunc morbillorum ritu erumpunt ; à quibus difficile diſtinguuntur quoàd facièm externam. Qui enim ad ſtadia morbi , aliasquè circumſtantias ſedulò animadverſerit , non difficile hunc ab illo diſcriminaverit.

Variolis confluentibus addi debent ſymptomata duo : ſalivatio in adultis , dyarrhæa in infantibus. Monſpelii tamen rariffimè obſervantur , ſed apud ſeptentrionales frequentiffima & ſalubria ſunt. Nec perpetuò ſolis adultis adest ptyaliſmus. Vidit. Ill. *de Haën* puellam triennem , tertio die poſt validæ ſcarlatinæ eruptionem elapſo , Variolis confluentibus occupari , quæ ſine diarrhæa , ſed cum leviori ſalivatione , integrè convaluit. Eodem tempore valido diuturnoque ptyaliſmo correptam novellam puellam vidit , & curavit in confluentibus. Graves etiàm diſcretas ſalivatio hæc comitatur : non nunquam etiàm ipſam febrim Varioloſam , ſine Variolis.

Salivationis aditus regularis non eſt , non nunquam ſub primum eruptionis tempus ſe prodit , non nunquam niſi poſtridiè biduo-ve præterlapſo. Die autem circiter undecimo ceſſat ſalivatio , aut ſaliva viſcidior jam facta , ægerrimè excreatur , ægro ſuffocationem intentat. Si ſpontè ſuâ penitus ceſſet , niſi tunc creſcat faciei manuumque intumeſcentia , vel ſi dejectiones , ſudores , urinæ-ve copioſæ vicem ejus non ſubeant , de ægro conclamatum eſt. Obſervantur etiam quædam Variolarum ſpecies , ubi puſtulæ adeò exiguæ ſunt , ut non ſalivatio tantum , ſed faciei inſupèr & manuum intumeſcentia , ad materiam morbificam eliminandam omninò requirantur.

Non minoris momenti eſt dyarrhæa in infantibus , ac in adultis ptyaliſmus. Per illam enim expurgatur primarum viarum fomes pueris familiaris , qui cauſam Variolis præbere poteſt , ut violentiùs erumpant , niſi dyarrhæâ tollatur. Illud obſervavit *Baglivi* in epidemiâ Varioloſâ , in quâ innumeri periire in urbe , & qui cum Variolis confluentibus dyarrhæam non habebant , morbo extinguebantur. Non ità tamen accuratè , nec tam maturè infantes , ac adultos ptyaliſmus , invadere ſolet dyarrhæa : quocumque autem tempore ingruerit , niſi antè ſiſtatur per artem , ea ſolet ſingula morbi ſtadia decurrere. Hæc ſunt phænomena quæ Variolarum ſtadiis propria obſervantur. Omnes tamen ſimul non afficiunt. Apparent quidè in his plura , in illis pauciora , nunc graviora , nunc leviora , prò majori minori-ve humorum corruptelâ , aëris indole &c.

Diverſa odeò , multipliciaque phænomena exhibent Variolæ malignæ , ut hæc omnia comprehendere in immenſum eſſet. Facile

tamen noscuntur anomalis symptomatibus, quæ eas concomitari solent. Ex his præcipua sunt, affectus convulsivi, soporosi, virium præstratio, deliria, hæmorrhagiæ, putridæ dissolutionis signa, omnia denique horrenda, quæ in morbis malignis observantur. Pro diversâ autem pustularum naturâ formis tam variis se produnt, ut alias atque alias appellationes illis dederint auctores. Quarum præcipuæ differentiæ sunt Variolæ crystallinæ, verrucosæ, filinosæ, vesiculares, miliares, &c. De quibus vide *Helvetium*, *Mead*, *Sydenhamum*, *Sauvagesium*.

Variolas certis criteriis dignoscere in Medicinâ exercendâ multum momenti est; ut eventum prædicat Medicus, indicationes curativas eliciat, atque medendi methodum instituat. At verò certis vix dignoscuntur signis Variolæ, antequam phymata Variolosa in conspectum se dederint. Multum tamen suspicari merentur, si datis symptomatibus suprâ relatis, vigeat constitutio epidemica Variolosa. Motus convulsivi, apparentes in puerorum febribus, sequenti die Variolarum eruptionem denotant, nisi, notante Ill. *Sydenhamo*, dentitionis fuit effectus. Confluentes discretas-ve Variolas prænuntiare possunt constitutio epidemica, quæ alterutri generi favere magis videtur; ægri ætas, nec-non temperamentum, symptomatum intensitas, pustularum eruptio, quæ si tertium antè diem ab invasione febris se prodierint; has è confluentium genere censendas, si circâ quartum verò appareant, inter discretas annumerandas esse, multiplex docuit observatio. Certior erit diagnosi, si jam faciem obsideant pustulæ; si enim à se invicem remotæ, probè elatæ, circumscriptæ; discretæ sunt: si erysipelatis ritu non multum promineant, aliæ in aliis confluentes, ita ut tumorem erysipelatodeum vultus referat, facile tunc judicantur.

Quàm dubia Variolarum prognosis esse debeat, & observata & praxis diuturna suadent. In nullâ febre incertiora esse de vitâ aut morte judicia, quàm in eâ de quâ hîc agimus, affirmat *Celleb. Mead*. modò faustum, modò funestum, modò dubium eventum nuntiaturus est Medicus prudens. Variat enim prognosis pro variâ constitutione epidemicâ, symptomatum intensitate, & aëris indole. Periculosiores esse Variolas in humidâ calidâque aëris temperie, quàm in frigidâ tenui, nec-non ficcâ, contendit *Celleb. Huxhamus*, at verò in quâcumque immoderatâ aëris constitutione, æquè epidemicas & confluentes esse Variolas, observatum est; dum econtrâ in moderatâ cæli temperie, benignæ vulgò observantur. Pestiferas magis esse inter nautas, quàm vel oppidanos, inter aut rurícolas, observavit auctor prælaudatus. An à pravo victu proveniat, an quod sæpius eorum à scorbuticâ lue sanguis polluitur? Morbillos & Variolas in

insulis orientalibus & occidentalibus, semper esse malignas refert *Bonetus* in medicinâ suâ septentrionali. Variolosis epidemiis maximè sublatoseffe, qui ædes incolebant lanienis vicinas, observavit *D. Rogers*.

Variat etiâ prognosis, prò variâ solidorum & fluidorum constitutione. Qui textum cutis laxum habent sæpius, notante *D. Rosen*, Variolis benignis laborant, quàm qui firmo donantur. Ideò in Angliâ periculosiores sunt Variolæ, ob frequentem frigidi balnei usum. Sub ætate provectâ, quàm in infantili vel juvenili; in viris, quàm in mulieribus, ominosiores esse Variolas, neminem fugit. Notandum tamèn, quod prægnantes Variolis correptæ, dirè ut plurimùm vexantur, ut abortu periclitentur, & hemorragiâ uterinâ plerumque abripiantur. In genere & constantiori lege, discretum genus, secum periculi parùm importat, dum periculo non destituuntur confluentes: nisi fortè constitutiones quasdam epidemicas excipias, in quibus constans lex invertitur.

Symptomata bona judicantur ex eruptione, quæ circà tertium aut quartum diem fit; ex qualitate pustularum satis superiùs expositâ, ex situ: gravis enim est in facie pustularum numerus, nec non circà pectus & abdomen. Ex numero; quò pauciores, eò meliùs modò ad interiora non confluant, uti secto cadavere fuit observatum. Optimi ominis est, si post eruptionem æger symptomatibus liberetur, vel si saltèm mitia sint. Si externa cutis superficies solummodò laboret, minoris est discriminis; ex adverso si, fames, gula, ventriculus, intestina, cæteraque viscera occupentur. Si in invasione violenta sint symptomata, alias morbi periodos violentas fore, timeamus. Si primo altero-ve morbi die pustulæ erumpant, res est ancipitis aleæ: quò citiùs enim erumpunt, eò magis confluant; ut diximus. Quò major autèm est pustularum numerus, eò magis æger in periculo versatur: cum enim quælibet pustula in apostema evadat, fieri, debet quod febris jamjam in fieri pendens, plus minùs-ve exacerbetur, prò puris excoquendi quantitate. Multùm terroris incutiunt Variolæ, si retrocedant pustulæ nullâ remanente cutis intumescentiâ.

Nec vano metu terrent exanthemata atro-livida, vel gangrænodea, linguæ labiorumque nigredo. Prò exitiali ferè semper habentur sputum cruentum, mictusque sanguineus ritè distinguendus ab urinis rubris, quæ sanguinis globos non deponunt. Pravæ indolis sunt pustulæ pallidæ, depressæ, ad colorem subfuscum vergentes. Multùm timeas, si facies primùm intumescens fiat collapsa, & manus & pedes subitò non intumescant. Materia enim in sanguinis oceanum resorpta, viscus quoddam nobile afficit, & ægrum de repente jugulat. Pulsus debilis, inæqualis, vox canglosa, respira-

tio difficilis, inter pessima symptomata recensentur: cum bonâ econtrâ respiratione, notante *Baglivi*, semper benè sperandum. Ischuria, disuria (nisi vesicantibus ortum debeant) alvi fluxus nimius, imprimis dissentericus, fæces albæ ex observatis *D. Rosen*, abdominis tumefactio, dolor in pressione acutus, delirium, angustiae in faucibus præcipuè, tristem secum prognosim important. Si subito antè perfectam maturationem priusquàm totum virus Variolosum protrusum fuerit, salivatio sistatur; permulta & funesta symptomata indè nasci videntur: nisi uti jamjam fuit observatum salivationi nimis properè declinanti, succedaneum superveniat copiosum urinæ limpidæ profluvium, & ferè diabeticum, cujus eventus secundissimus est. Ab ipso ptyalismo æger aliquandò jugulatur. Materies enim quæ ad undecimum usque diem cruda fuit, tenuis, & facilè excreabilis, viscidior jam facta & tenax, ægro suffocationem intentat. Dum verò in Variolis maximè sputant ægri, rarò moriuntur ex observatis *Walschmidii*.

Si Variolis comites sese adjungant morbilli, funesta prognosi ansam præbent. Ominosiores enim censentur hujusmodi Variolæ complicatæ, uti videtur observatione *Ill. de Haën* puellæ Variolis confluentibus affectæ: hæc ubi febris post suppuratoria deferbuerat, illicò morbillis corripiebatur, & moriebatur. Periculosæ sunt etiàm Variolæ, si cum illis febres epidemicæ se complicant. Inter periculosiores annumerantur Variolæ verrucosæ, crystallinæ &c, quæcumque demùm malignarum nomine insignitæ.

In statu & Variolarum mutatione, periculum imprimis imminet. Licèt enim omnia, ad hoc usque tempus ritè processerint, mutatione mirandâ terribilia apparent symptomata, quæ præcipuè expectanda in confluentibus, si qualitate, vel quantitate nimîa peccent. In maturatione etiàm longè longèque magis contagiosæ sunt Variolæ: noxia tunc spargunt miasmata & febris secundaria, de quâ silent antiqui Medici, periculum in iis circumstantiis importat.

Falsò tamèn crederes, quod in primis morbi diebus, vel prægressis his-ce supra relatis, invado pronuntiandus sit æger. Haud rarò fermentum Variolosum immodicè exaltatum, tantam colluviei Variolosæ vim conficit, ut æger incipiente adhuc morbo, è medio tollatur; cum scilicèt materia morbum commitens, tùm præ nimîa copiâ, tùm præ motu inordinato ac confuso in sanguinis oceano excitato, ad corporis peripheriam propelli nequit; eruptionisque loco mictus sanguineus, maculæ purpureæ, hemorragiæ universales, ex relatis *Ill. Tissot* tragediæ catastrophe fiunt. Alia non minoris momenti infortunia in morbi recessu sunt pertimescenda. Non timendum minùs de Variolarum malignarum sequelis. In morbos

chronicos non nunquam degenerare probat tristis heu ! experientia. Clauditates ex malignis reliquiis ortas videmus. Nota sunt surditatis nec-non cæcitatis exempla. Hi ophtalmiâ contumaci afficiuntur. Illi olfactum deperdunt. Abcessus partes externas invadentes, & intra viscera delitescentes, aliique pravi affectus uti gangræna, caries, percipiuntur. Ossa sterni erosa & à se invicem direpta, simulque epiphyses ossium brachii, & maximam partem capitis, omoplatæ corruptam observavit *Pareus*. Tanta in cute visa fuit putrefactio, ut detractis pustulis, in ulcerè cutaneo vermiculi reperti fuere, ut asserunt *Formeus*, *Borellus*, *Rhodius*, *Zacutus*. Hanc humorum corruptelam videsis, in Variolis anomalis nigris *Sydenhami*, quæ ubi maturæ, tam fœtidæ erant, ut adstantes omnes fugabant. Per multa alia funesta ejusmodi exempla in quamplurimis auctoribus leges.

De Variolarum curatione priusquam agamus, quædam de variis methodis ab auctoribus in usum vocatis dicere est. Duæ potissimum noscuntur, sub frigidi, & calidi regiminis nomine. Prior ex antiquis renovata, laudatur à Clar. *Sydenhamo*, sæpè probatur eventus, & quam plurimis itabilitur rationibus. Altera verò à nutricibus, & vetulis amplectitur, celebratur quoque ab Ill. *Mortono*, & *Listero*. Etsi regimina hæc diversa sibi invicem contraria videantur, felix tamen eventus ab utrisque exoritur, quò primum ab imperito non adhibentur. Quilibet enim casus, singularem requirit methodum. Merito igitur, cum *Huxhamo* censemus, nihil absurdum magis esse, quam in diversis Variolarum speciebus regimen calidum frigidumve indifferentè adhibere. Sunt etenim quamplurimi casus, in quibus *Sydenhami* methodus, alii, equidem rariores, in quibus ipsa *Mortoni*, non perpauci denique in quibus utræque maritata, conveniunt. Fatendum reverà, imprudentiam in calido regimine fatalem multò magis esse, quam in frigido. Quænam verò sit anteponenda, ex ægro, ex morbi symptomatibus, facile percipiet Medicus sagax.

Qui igitur Variolarum curationi operam infumere satagit, primum ægrorum ætas, vitæ ratio, varia solidorum ac fluidorum constitutio, morbi genium, anni tempestas, aliaque huc spectantia simul pensanda veniunt. In morbis equidem curandis, regulæ quædam generales servandæ sunt, cum eo tamen, ut propria cujusque ægro-antis natura perspicienda sit. Ideò, ex *Hippocrate Celsus* dixit, *mederi oportere, & communia & propria intuentem*. In medendi igitur methodo, non minùs febris singularis, quàm peculiaris, morbi contagiosi indolis rationem habere officii ratio postulat. Licet enim Variolosum contagium eandem morbi speciem excitet, morbum tamen ipsum, gradu admodum differre demonstravimus. Quàm utilis & necessaria sit aëris constitutionis, præcedentis & presentis confi-

Curatio

deratio, optimè demonstravit Celeb. *Huxhamus*. In aëre enim frigido sicco, fibræ fortes, valdèque elasticæ, sanguis densior ac viscidior observantur. Ægroti igitur tali in constitutione, meliùs (cæteris paribus) sanguinis detractionem perferre possunt. Meliùs etià si morbi sporadici, inflammationis notas exhibeant. Quemadmodum alia aëris constitutio salivationem quæ sufficit, impedit; alia nimiam, eamque acriorem excitat. *Quales enim tempestates, tales etiam sunt, ex Hippocrate, humorum constitutiones.*

His ritè perpenfis, varia morbi stadia debent oculis subjici, ut varias ex illis sumat indicationes, easque per diversa medicamenta expleat Medicus. Eruptio favenda in primo stadio, ut moderata, sufficiens & facilis evadat. Ad vigilandum in secundo, debitæ pustularum elevationi. In tertio, pustularum humoris serosi mutatio in pus juvanda. Quartum deniquè, reliquias morbi digerere indicat. Ad primum morbi stadium imprimis attendas; curationis enim exitus sive lætus, sive funestus, ab eâ potissimum, si non in solidum ratione pendet, quâ æger primis morbi diebus tractatur.

Variolas, summam sanguinis inflammationem secum ferre conjunctam affirmat Celeb. *Mead*. Prima idcirco exurgit indicatio, ut humorum ille orgasmus moderetur, qui nequè nimis properè, nimiam vi suâ perficiat; nequè tamèn torpido nimis motu eandem remoretur, vel non satis idoneam præstet. Cavendum imprimis ne nimium assurgat, ille sanguinis orgasmus, ex congestis stragulis, vel ex aëre in quo decumbit æger, vel ex calidorum medicamentorum, cardiacorumque usu.

Qui benignis laborant Variolis, vix ope Medici indigi. Abigenda, inutilis & sæpè noxia, medicamentorum farrago. Naturæ potiùs committatur morbus, negotium suum tempore exequitur, materiamque debito ordine, tum secernit, tum & etià expellit. Dieta solum refrigerans, demulcens, & humectans esto. Si verò ferveant omnia, acuta vigeat febris, erythymo laboret cutis, respiratio sit difficilis, æger plethoricus &c., sanguis mitti debet semel, aut pluries, è brachio, vel è pede, (maximè, si vis morbi ad caput ferri videatur,) donec symptomata compescantur. Non tamèn eò usquè iteranda est phlebotomia, ut vires vitales infringantur. Virium enim ægri, quæcumque sit ætas, habendam esse rationem nemo non videt. Hirudinum admotio temporibus, vel ponè aures, infantibus multum congruit, si præcipuè cum Variolis se geminet dentitio. Menstruantium & puerperarum vena pedis secanda, si naturales illæ evacuationes revulsivæ satis non sint. In subjectis robustis, plethoricis, tantus est quandòque infarctus morbi initio, ut vires vitales suffocentur, pulsusque obscurus sit: à primâ autem aut alterâ phlebotomiâ

botomiâ refurgit , fortior evadit , & febris evolvitur , quâ fupreffâ ægro pereundum foret. Nihilque ægrotum citius juvat , fi hæc maximâ ex parte à morbi metu & terrore ortum trahant , quod sæpius adultis evenit.

In quâcumque feбри auâta observatur anaropia , quæ haud dubiè in Variolis earum sæpius eruptioni obstat. Est autem undè hæc benè fiat revulſionem procreando , ope veficantis , vel ſinapiſmi plantis pedum appofitis , vel ſcarificationum in artubus , vel quod facilius , pediluvia aut ſemibalnea præſcribendo. Maximè celebrantur à celeb. *Huxhamo* ; cataplaſmata etiam ex micâ panis & lacte ſuprà artus præſcribit , ita & balnea integra , fi eruptio ſit lenta , puſtulæ pallidæ , depreſſæ. Pediluvia bis in die per univerſum morbi tempus à *Boërrhavio* commendantur , cum eo tempore ægri in lecti crepidine ſi debiliores , in ſedili ſi firmiores , erecti collocentur. Ad eruptionem excitandam balneum vaporis præſcribit *Rhaſes*. Generalis tamen , non eſt balneorum revulſio. Ad gradum caloris non ſolùm attendendum , ſed etiam ad ægrorum idioſyncraſiam. Obſervatum enim quandòque fuit , ſemibalnea ſolùm tepida anaropiam adaugere , & majori in facie puſtularum affluentiaè anſam præbere. Inſtante eruptione ſi caput impetant variolæ , cum calore magno , anxietate , motibus tendinum ſubſultoriis , &c. imperat ſtatim *Baglivi* cucurbitulas ſcarificatas ſcapulis , & momento , ferè factâ , quaſi furentis ſanguinis revulſione , omnia prædicta ſymptomata , velut in ovo ſuffocantur. Scarificationum commoda veteres Medici non ignorabant , & merito celebrant quamplurimi recentes.

Primis hiſce diebus potus demulcentes , refrigerantes , mucilaginofi , juſcula , avenacea , hordeacea , &c. præſcribantur. Clyſmata emollientia , ſi alvus ſit obſtipata , ſingulis vel alternis diebus injiciantur ; neceſſe enim omninò eſt inquit , *Avicena* , in principio lubricam eſſe alvum. Sæpius tamen ea repetere nocuum eſſet ; à ſuperficie enim ad interiora humores attrahunt. Ad infringendas fermenti vires , per commodum erit , exemplo *Sydenhami* , vitrioli ſpiritum potui immiſcere , etiam ad plenam uſquè eruptionem. Nequè ſanguinis miſſio , licèt mature celebrata , ita efficaciter præproperam materiæ varioloſæ aſſimilationem cohibet , ac ſanguinis contemperatio ab aëre intromiſſo. Aura igitur libera permittatur , frigidior verò interdicator. Gradus enim caloris accomodatiffimus , naturalis ſit oportet. Neque minus caveas , nè ante eruptionem lecto pertinaciter ſe addicat æger , ſi à nimio puſtularum confluxu ſibi cavere velit. Quinimò , toto in morbi decurſu per aliquot horas de lecto ſurgat. Quo enim tempore è lecto ſurgebant ægri , puſtulas prominentiores & vividiores obſervavit *Heberden* , & ſimul ac cubarent , minores ac flaccidæ erant. Quantumcùmque conducat plerumquè ægros , ut primis morbi diebus lecto non addicatur ; nihil.

ominus non potest id solatii eidem indulgere, si ægritudine vehementiori, intensiori febre, similibusve contra indicantibus laboret.

Quemadmodum ex pulsus vehementiâ, cutis siccitate, ardore viscerum, &c. antiphlogistica indicari demonstravimus, ex pulsus verò lentore, virium penuriâ, alexipharmaca blanda præscribi debentur. Veficatoria & sinapismos suadet *Huxhamus*. Balnea autem raro indicantur. Antè diem quartum, qui eruptioni proprius est, quæcumque cardiaca improbat Ill. *Sydenhamus*, eò magis, inquit, erit materiæ Variolosæ separatio, quò tardius istæ prorumpunt. Quarto verò die, si pro votis parùm succedat eruptio, rectè exhiberi potest cardiacum aliquod blandius. Si Variolosi, fibris laxis, debilibus, tenui macroque sanguine, præditi sint; si paulò antea magnas fuere perpeffi evacuationes, si pulsum debilem, celerem, tremulum habeant, si de perpetuo ventriculi languore, ægritudine, vertigine, cæterisque conquærantur: à venæ sectione se abstinere suadet *Baglivi*, & levia cardiaca potius convenire putat. Cardiacæ refrigerantibus necere suadet *Lobbius*. Verum & adæquatum tempus cardiaca adhibendi est, observante *Friderico Hoffmano*, cum vires erumpentibus pustulis imminuntur. Vinum tunc temporis præscribit *Huxhamus*. Camphoram commendat Ill. *de Haën*, si præcipuè quid maligni observetur in morbo.

Nihil sæpius eruptioni obstat, quàm spasmus quidam particularis, affectiones corporis pravæ & distortæ, anxietates & angores. Nihil autem melius ea symptomata discutit, quam opium, imprimis si mortis metu, pavidus & abjectus sit æger. Contraindicatur si eretismo laboret cutis, vel obstipata sit alvus.

Quàm utique confert Vomitorium in ipso morbi præludio, quotidiana docet experientia: imprimis si sit saburræ apparatus in primis viis. Notandum tamèn, quod in præscribendis emeticis, indicatio desumi semper non debeat ex nausæâ, vel vomituritione: eis enim ansam præbere possunt, vel pustulæ in ventriculo eruptæ, vel hujusce visceris membranarum inflammatio; quod dignoscitur, notante *Lobbio*, dolore palpitanti in regione ventriculi, singultu, &c. illisque potu leni & demulcenti medetur. Præter emeticorum, uti evacuantium utilitatem, observabimus eruptionem, ob sympathiam cutis cum ventriculo, sæpius impediri. Eruptioni nominatim in illo casu favet emeticum, spasmus cutis irritatione suâ in ventriculum attrahendo. Lene & refrigerans catharticum quibusdam in casibus requiritur, imò repetitum, si mesentericæ febris signa adsint, quod in pueris sæpius accidit. Ab emeticis penitus se abstinere Ill. *de Haën*: illa enim, juxta illum, in vomitum propensio, non magis emetico quam sine eo, antè eruptionem papularum tollitur: tum quod febres Variolosæ sine Variolis, non minus saltèm citrà emetica, quàm post eadem exhibita observentur;

tum quod æquè certè frequentes sint Variolæ benignæ, non datis, quam datis emeticis. Credit sibi adstipulari, summum *Boërrhaavium* altum de emeticis, hoc in casu servantem silentium. Huic opinioni assentitur *Baglivi*, dicens, qui purgant in principio Variolarum, vèl diaphoretica adhibent vehementia, febrim adaugent, quàm sæpiissimè internas inflammationes excitant, deliria, tusses periculosissimas, & hujus modi quam plurima: quæ omnia præmissâ, unâ alterâve phlebotomia præcaveri posse reor.

Nunc ad secundam illam indicationem, ad tempus elevationis accommodatam, pedem promoveamus. Conandum hic, ut pustulæ debitam assequantur amplitudinem, consistentiam, quò ritè atquè ordine, destinatam periodum petant. Ubi primùm eruperint pustulæ, an benigni sint generis, an verò confluentium, attentè perpendas. Si de genere benigno discreto constet, diætâ convenienti adimpletur curatio. Verùm, si pustularum elevatio pro votis non succedat, an in morbi vehementiâ, an in virium lapsu, causa adsit, seriò attendendum. Si enim morbi ac febris violentia, nimiave plethora in causa sint, mox vena secunda semel, iterato pluriesve, si symptomata inflammatoria persistant. Venæ sectio, enim semper institui debet quovis Variolarum stadio, urgente febre, peripneumoniâ, phrenitide, &c. modò vires finant. Præmissâ phlebotomia, levium diaphoreticorum, & demulcentium usus congruit. Si hæc autem auxilia symptomata non compescant, vesicantia cervici & cruris apponenda, modò febris sit imminuta, & pulsus mollis. Levia narcotica transpirationem movendo, & somnum conciliando, vires reficiunt. Si verò debilior vita in causâ, sit eam tunc cardiacis erigere & excitare, necesse est. Consentanea magis sunt camphora & moscus. Si his auxiliis omnia ritè succedant, nullo prorsus medicamine, naturæ opus interturbandum est. Si quædam alia noxia superveniant symptomata, debito modo quantociùs debellantur.

Sic hemorragiæ omnes (excepto naris profluvio, rarò tamèn utili) semper noxiæ, refrigerantium, incrassantium, imò & valentiorum adstringentium usum indicant.

Eædem causæ superiùs allatæ, quæ eruptioni obstant, illarum retrocessui & depressioni ansam præbere valent. Eadem igitur remedia illis optimè occurrunt. Dignum sanè memorari, casum à *Baglivio* relatum, pueri, cujus ob Variolarum ad interiora raptum, ac regressum, sive repentinam exsiccationem, lethalis penè spirandi difficultas supervenit, cum magno salutis discrimine. Ut materies denuò, ac citissimè ad cutis ambitum revocaretur oscillatione morbo contrariâ, jussit statim ut totum ferè corpus lanceolâ scarificaretur, & appositis cucurbitulis, hinc inde sanguis educatur ad duas libras; quo educto involutus fuit puer linteis calidis, dispositusque ad dormiendum. Manè tota cutis

oblinita est oleo amigdalorum dulcium, mixto cum spiritu salis ammoniaci, ad procurandam, quàm citò, ab interioribus ad exteriora, Variolosæ materiei eruptionem, ac recursum, uti feliciter evenit, & puer optimè convaluit.

Nunquàm in principio diarrhæam sistendam esse contendit *Lobbius*, si in causâ habeat humorum turgescientiam, redundantiam; organa quædam imminem; lenibus verò cardiacis coercendam si eam foveat humorum ad intestina affluxus, vasorum excretoriorum debilitas, cum virium penuriâ. *Huxhami* observatis planè assentire videtur hæc sententia: in confluentibus enim Variolis & malignis, criticam sæpe esse observavit, undè eam præmaturè non cohibere nos monet, nunquàmquè, etsi profusam, nisi præcesserint purgantia tonica, qualia Rhabarbarum, quibus succedant convenientia adstringentia, opiata, &c. Notandum in genere, cum in infantibus Variolis confluentibus affectis, salivationis vices gerat diarrhæa, ad finem usquè morbi feliciter perseveret, cum moderata est. Non ergò, malam imprudentium muliercularum operam, subsequatur Medicus, in sistendis diarrhæis huic ætati familiaribus.

Vigiliæ immodicæ hypnotica, levia narcotica requirunt; somnum moderatè conciliant, ab eorum usu faciei, manuumquè intumescencia rectius procedit. Quò major est inflammatio, quò major pustularum numerus, quò major anxietas, dosis eò major esse debet, speciatim in crisi & versùs eam. Syrupum de diacodio ad fescunciam bis in die præscribit Ill. *de Haën*, si votis adhuc non respondeat, dosim adauget. Sudores in adultis etsi non refrænandi, si pertinaciores, sanguinem spissum reddunt, vitiant, ideòque coercendi non adstringentibus, sed refrigerantibus in potentiâ.

Urinæ suppressionem in Variolis, aliisque morbis acutis, ægrum lecto eximendo melius quàm per alia remedia curabat Ill. *Sydenhamus*. Noxia verò est sæpè hæc methodus, ob ægrorum debilitatem. Extinctos enim, vidit *Hoffmanus* eorum inter brachia, qui manu eos circumducebant. Pro optimo remedio habetur syrupus de diacodio, cum ischuria hæc, notante celeberrimo hujusce Lycei Professore D. *Barthés*, symptoma sit spasmodicum. Præcavetur autem illud symptoma, potu refrigeranti, cui spiritum nitri dulcificatum addere suadet Ill. *Heister*.

In crudis & ichorosis, coctione difficilibus Variolis, ubi cutis pustulæque pallidæ, lividæ, pulsus debilis, urina tenuis, aquea & cruda sunt, calidiora medicamenta præscribit Celeb. *Huxhamus*, qualia sunt pulvis contrayervæ, myrrha, moscus, crocus, camphora, &c. Opiata quoquè sollicitè indicantur, præprimis si profusus simul adsit ptyalismus. Convenienti enim ratione data humores tenues, acres, efficaciter inspissant, eorum irritationem & defluxum avertunt, pus-

tulasque maturant. Neque vesicatoriis epispasticis est parcendum.

In Variolis parvis, nigris, confluentibus cum petechiis, imò interdum cum aliquâ hæmorrhagiâ, salutaria sunt acida tum vegetabilia, tum mineralia, quæ crystallinis ac lymphaticis Variolis nocerent. Spiritus vitrioli symptomata omnia, notante *Sydenhamo*, ad miraculum ferè compescit. Corticem Peruvianum uti præstantissimum laudat *Celeb. Mead*, illius usum absolutè necessarium in humorum dissolutione, contendit *Illust. Barthés*, mirosque illius vidit effectus in epidemiâ Variolarum petechialium, quæ *Narboni* anno postremo vigebat. Ubì malignitatis in Variolis, & in ægrotis debilitatis signa apparent, kinakina præscribit *D. Rosen* & ad singula morbi stadia usum protrahit. Corticem cum acidis in iisdem circumstantiis cum successu usurpavit *Huxhamus*. Serio tamèn admonet ne aliquid horum detur, quandò spirandi difficultas, alvus obstipata, atque abdomen durum & tumidum est.

Exigit prophylaxis, sub primo Variolarum ingressu, colliriis detergi oculos, eo fine ut repellatur virus, ne visui infensa fiat cicatria, aut ne vitio lacrymarum dum coalescunt palpebræ, circa suppurationis tempora visus patiatur. Aqua tepida vel cum lacte remixta totam vulgò paginam adimplet.

Si auxiliis jam indicatis prosperè propugnentur notata symptomata, ritè succedere debet suppuratio. Non ideo periculi vacat hæc Variolarum periodus. Namque ob materiei congestæ qualitatem vel copiam, imprimis in confluentibus, febris apparet secundaria, ad quam præcavendam, vel expellendam attendere debet Medicus. An ex genere febris putridæ, an verò ardentis sit? Cathartica primo in casu optimè quadrant; venæ sectio econtrà in secundo. Si à cutis eretismo pendeat puris resorptio, linteorum decocto emollienti madidorum appositionem suadet *D. Rosen*. Si à pustularum dolore, congruit syrupus de diacodio. Si à suppressâ transpiratione, utilissima est camphora. Si à resorptione serositatis acris pustularum basi collectæ, acida temperantia, & demulcentia maximè indicantur. Acida etiàm mineralia magnà dosi prescripta, secundissimum præstant effectum, putredini occurrendo, & humorum impetum reprimendo. Illa tamen cautè adhibeas, in regionibus ubi humores crassi, tenaces, ac viscidi observantur.

Salivationem variolarum confluentium quibusdam in regionibus, ferè semper esse comitem jamjam exposuimus. Quot & quanta gravia, imò & lethalia symptomata ex ejus præmatura suppressione superveniant, nemo non nescit. Circa exsiccationis tempus sistitur, vel lentescit, oborta primis diebus salivatio. Nisi faciei intumescencia adhuc aliquantulum persistens, ac manuum insignitè jam incipiens ejus vicem

subeat, in summo periculo versatur æger. Si igitur exigua sit salivatio oximelli juvanda, vel irritanti gargarisatione excitanda. Ut ptyalismus sustentetur, maximè præstat potus tenuis qui diluat, nec refrigeret nimis aut calefaciat. Cujus hic utilitatis sunt narcotica, observatione demonstrat Illust. Sydenhamus, modò æger pubertatem excesserit. At verò magna, in eorum exhibitione, requiritur sagacitas; salivationem lentam promovent, affluentiores verò reprimunt. Nonnunquam saliva viscidior jam facta, hæret in conceptaculis suis; inducitur inde angina symptoma periculosissimum, cui mederi voluere quidam autores emetico. Audax verò est remedium, & solis artis magistris tentandum. Non ita habendus est cathartorum usus quæ planè convenire credimus, cum invitis auxiliis supra laudatis, suppressa non potest revocari salivatio, naturâ imprimis monstrante viam.

Exsiccatis pustulis, si vena ægris tundatur, ex observatis Illust. de Haën fundunt æmulum pleuriticorum sanguinem. Ejusmodi cruor in corpore circumductus, videtur in multis sic sensim subigi, ut attenuatus insensibiliter eliminetur, aut etiâ sic ut diathesim phlogisticam amittat. Attamen potest subitaneis in cute tumoribus furunculos generare, abscessus ad articulos, ad oculos inflammationes, suffusiones &c.; variaque ad viscera formidandos morbos creare. Quàm perutile ergò est consilio Sydenhami, circa venæ sectionem in recessu Variolarum addere se, modò vires consent. Non minùs etiâ prodest cathartorum usus, meliùs etiâ si detur diarrhæa quæ saburram in primis viis nidulantem indicet.

Si superveniant ulcera tum interna, tum externa, cum febre lentâ & tabe imminente, ad lac confugiendum. Commendatur à Celeb. Tissot in oculorum maculis, ulceribus, & epiphorâ. Kinakina ut præstantissimum remedium in illis morbis celebratur. Nec præmittendus eximius setaceorum & cauteriorum usus in debellandis variis defluxionibus, quæ pravis succedunt Variolis, præprimis, si imperfecta fuerit depuratio.

S E C T I O S E C U N D A.

De Variolis insitis.

Historiâ Variolarum naturalium jamjam peractâ, felicioriquè eas curandi methodo jamjam traditâ: quàm funestæ adhuc, quàm maximè periculosæ sint, quàm anceps, quàm sæpè fallax hujus methodi sit eventus, extrâ omnem dubitationis aleam positum est. Variolæ equidè benignæ adeò moris quandòque sunt, ut sine gravioribus quibusve symptomatibus, imò sine febre, ægros tam blandè afficiant, ut

iisdem laborantes, pauperes imprimis, dura necessitatis lege coacti, posthabitâ omni diætæ ratione, aëri inclementiori impune se exponant, felicitèrque evadant: hæc tamèn subindè concurrente aëris pravâ constitutione, epidemicæ, contagiosæ, atquè malignæ observantur, integrasquè non raro familias, prole suâ orbent. Testimonio hic opus non est. Quàm fædo horribilium symptomatum apparatu incedant, quotque crudeles passim strages exerçant, nimis certè, aliquandò frequens, tristisquè experientia docet. Salutis hinc communis interesse videtur, ut apta huic morbo extirpando auxilia inveniat, conservatrix illa humanæ incolumitatis artium omnium amænissima medicina. Quid humanitati consonum magis? Quid Medico dignius? Quàm vitam similibus servare, & quasi ineluctabilem removeere mortem.

Virus Variolosum in ipsa seminario extingui posse, sicquè humanam gentem ab hac labe fieri immunem, contendunt *Boërhaavius*, & *Lobbius*. Hæc obtineri posse mercurialibus, & antimonii variis præparatis existimant. Videtur autem irritam esse celeb: horum virorum spes. Virus etiàm sub ipso ingressu reprimere voluere, venæsectionibus repetitis & antiphlogisticis. Illud equidèm quandòque bene processit, pessima quandoque symptomata exurgere debent. Hanc methodum quodam cum successu se adhibuisse refert D. *de la Mettrie*. Eam quoquè tentavit D. *Cleghorn*, in epidemiâ Minorcam devastante: quibusdam levamento fuit; at verò quidquid egerit, quidquid in curâ habuerit, major pars miserè succubuit. Eadem leges apud *Tralles*, in *Dissertatione epistolicâ de methodo medendi Variolas hactenus cognitâ, sæpè insufficiente*. Cæterùm in dubio adhuc est, an pauci, qui hac methodo convalescunt, à novo Variolarum ingressu tuti sint. Magis attendendum esse depurationi movendæ per loca convenientia, quam extinctioni virus, censemus: nihilque melius operi nostro satisfacere videtur, quàm Variolarum insitio, quod satis superquè apparebit 1°. Inoculationis historiam, 2°. Illius emolumenta. 3°. Certiorem methodum quæ possunt obtineri, tradendo.

C A P U T P R I M U M.

Si fides adhibenda sit Medicorum (a) testimonio, hanc Variolarum

(a) Extrait des voyages de Lamotraye, Tom. II, pag. 28.

Dissertation historique du D. Tymoni, sur l'Inoculation.

Ecrit du D. Pylarini, sur la méthode nouvelle & assurée, d'exciter par transplantation la petite Vérole.

prophylaxim apud *Georgios*, *Circassos*, *Sinenses* (a) *Græcos* præcipuèque *Theffalos*, in usum venisse certum & compertum est; in oris Bosphorii maritimis dein institutâ; brevi norunt eam Constantinopolitani, qui Variolosæ epidemiæ sævitiae perterriti, ad eam confugere. Felix fuit eventus, in infitis tota salus, in aliis verò vix nulla fuit spes. Turci tantum fati decretis addicti, salubrem hanc respuere medelam. Tàm felicitis exitus exemplo ductus, Britannicæ Regis Legatus, filium suum unicum contagionem Variolosum ibidem sic contrahere voluit. Quin etiâ ut saluti filiae suæ honorabilis ulterius prospiceret, & fortè etiâ ut alios tanto exemplo ad idem tentamen concitaret, ad posteros suos præservandos in Angliam redux, eandem operationem in carissimâ filiâ quinque annos nata, eodem felici cum successu comprobavit. Cujus exemplis, alii non minù nobiles natis suis per insertionem Variolas concitavere. Jamjam fama volabat; ubiquè flores adeo diffundebat nova methodus, ut autoritate Regiâ à Medicorum regali societate, in hominibus sex patibulo propter delicta dicatis, peracta fuit hæc operatio. Unus ex iis jamdudum Variolis fuerat affectus. Ex votis omnia respondere, nullæque in eo prius Variolas experto effloruere pustulæ. His experimentis innixi, necnon relatis DD. *Tymoni*, *Pylarini*, in progenie regiâ Variolas excitandas fore statuerunt Londinenses Medici: quod celebritati suæ magni fuit momenti. Multæ tamèn factionum partes contra infitionem conspirarunt, & invitis felicioribus experimentis undiquè relatis, felix infauste deferbuit progressus. Plus valuit præsumpta opinio ignorantiae filia, quàm ratio. In Galliâ à Celeb. (b) Medicis promulgata, pravos (c) quoquè & iniquos inocuit hostes. Graves tunc temporis, sed exaggerati de infitione rumores erant sparsi: invaluit adversaria factio, & diù jacuit in oblivione tam laudanda methodus. Dùm verò in Europâ languebat, vigeat in Asiâ. Mox tamen in Angliâ reffloruit. Nosocomium Londini fuit conditum, ut pauperes inocularentur, Variolosquè opitularetur. Paucis ab hinc annis apud Genevos, Suecios, Batavos, Italos in usum venit medicina hæc. Ad quam & stabiliendam præjudicatasquè opiniones fugandas non parùm contulerunt Doctores Ill. *Butini* *Tronchin*, quorum iste filio suo nondum Variolas naturales experto artificiales commovit, dùm alter Variolis naturalibus summo cum periculo laboraret. Hic in arte vix clarus in quam plurimis illustribus pueris

(a) Le Pere d'Entrocelles, dans sa Lettre édifiante & curieuse, Tom. xx, dit que la petite Vérole artificielle, est plus ancienne à la Chine qu'ailleurs.

(b) *Dodard*, *Helvetius*, *Astruc*, *Nogues*.

(c) Vide Thesim Parisiis propugnatum.... An Parisiis inoculare nefas?

pueris cum successu hanc peregit operationem. Sic sensim variis in regionibus fuit propagata insitio. Fausti magis ac magis fuere, & quotidie fiunt eventus.

Quam optandum ut methodus hæc inventu, non minus quam eventu, miranda, nostris in regionibus in usum veniret. Placidi Variolarum naturalium devastationis spectatores, nihil molimur, dum tutam in manu prophylaxim habemus. Quæ cæcitas! quæ inertia! quæ inhumanitas! exemplum præbere gloriosum nobis fuisset; exemplum verò sequi gloriosum, ac utile non minus erit. Miror, si aliqui arduam, ferè impossibilem, & noxiam hujus inoculandi modum acriter contendant. Quanti equidem docti, & indocti contra *Corticis Peruviani* administrationem non proclamabant, quando primum in Europam introductus fuit? At mirabili hujus Corticis virtute temporis decursu calculatâ, ac evidentissimis effectibus accuratè examinatâ, ut remedium hoc in tempore aliis præcellens colitur in arte Medicâ. Quid mali veteres *Mercurio* non imputabant? Etenim potior illorum pars ut simpliciter venenum indigitabant; ac ab arte Medicâ, hæc de causâ, omnino rejiciendum esse fortiter asseriebant; at nostro hoc sæculo, quem in Medicinâ vel leviter initiatum proferre pigebit, totam artis Medicæ potestatem, in variis Herculeis morbis avellendis, ac radicitus extirpandis, frustra laboraturum in mercurio incederet. Observatur in genere in Medicinæ historiâ, magnas, veras utilioresque deprehensiones ægris semper usurpari. Sic etiâ contra insitionem quam plurimi se obfirmant. At verò tot & tantis experimentis comprobatur ejus utilitas, ut per plures annos ex multis millibus ægrorum in quibus Variolæ hæc methodo fuerunt excitatæ, ne paucissimos fato succubuisse confirmetur. Hujus rei consideratione permoti, methodum hanc Variolas communicandi per insitionem in animum induximus; & comparatione institutâ inter Variolas communi contagio productas, cum istis insitione excitatis, videbimus, an hæc cum ratione prophylaxis conveniat, & quænam ejus sint emolumenta.

CAPUT SECUNDUM.

Si neminem ferè jugulet insitio, dum quamplurimos naturalis Variola metit, si morbus levis sit illa, ista verò gravis, ac funesta, si insitionis exitus nulla sequantur incommoda, quæ Variolis spontaneis familiaria videntur; si primæ ortum prævidere, si propagationem ejus impedire in nobis sit; cum alterius ingressum nec contagium remove nequamus; si hæc, inquam, omnia veritati consentanea demonstrantur; nonne æquo & bono pro insitionis utilitate nitimur? Hæc

autem seorsim examinemus, & judicium ferre facile erit.

Symptomata Variolas infitas itipantia, etsi ejusdem naturæ, sæpè sæpius benignioris sunt indolis. Primis morbi diebus si febris accendatur, & alia superveniant symptomata, apparentibus pustulis evanescent. Hæ vero numero sunt vulgo paucæ: sola quandoque infitionis loca Variolas exhibent, nec minùs Variolis impolterum immunes fiunt infiti. Ejusmodi casus referunt *Mortonus*, *Mead*, *Tymoni* & quam plurimi alii auctores. In infitis rapidè exarescunt pustulæ, vel sine sensu discutiuntur; immunes sunt fauces, & præcordia: nulla remanent stigmata nec cicatrices, nec variis miseris morbis (a) post morbi decursum corripuntur infiti. Unicum quod novi incommodum notat *Illust. Pringle* idque leviusculum sibi proprium habet inoculatio; abscessus scilicet glandularum subaxillarium: qui tamèn abscessus accidentales potius dici debentur, cum in infitis sæpius non observentur; dum in Variolis naturalibus quandoque conspiciuntur: quique abscessus per novam infitionis methodum facile præcaventur.

Jàm vero si de Variolis naturalibus scripta perlustremus, horrendam undiquè videmus imaginem. Hic eam inter pestes recenset; millenos infantes epidemiis sublato refert ille. Benignus aliquandò est morbus ille, ait *Sennertus*, sæpius verò gravis, adeò ut pestis naturæ accedat, easdemque strages edat. *Cairus* Variolis pestilentialibus, notante *Prospero Alpino*, singulis annis devastatur. Prò pestilentialibus eas habet magnus *Riverius*. Devastationibus ejus mentionem testis oculatus habet *Diemerbroëck*. Tàm crudeles vidit Variolas *Helvetius* anno 1719, ut nullus de affectis salvus fuerit: idem affirmat *D. Roger*. Ferè ejusmodi vidit Variolas anno 1749 *Illust. Tissot*. Nullus deniquè Auctor qui Variolas pro morbo ferocissimo non perspexerit. Etenim ex observatis *D. Jurin* è quinque ejusmodi Variolosis, unus auras vitales linquit, alii duo difformantur, dùm duo tantum sanantur. Quis hoc narratu non fremit? Quis non luget? Quis monstrum hoc necare non optat? Infitioni manum præbeamus, & in manu ferrum habemus. Præcipua infitionis commoda exponendo, res clariùs patebit.

Per infitionem eligitur ætas juvenilis, quæ ad Variolarum benignitatem non parum confert, ex consensu omnium Auctorum. Notandum tamèn lactentes inoculationi subjicere inconsultum esse: quamplurimis enim incommodis, uti dentitioni, diarrhææ, convulsionibus, obnoxii sunt, quæ infitionis commoda periculosa quandoque faciunt. Ad ætatem usquè semestrem lactentes inoculationi subjicit *D. Gandoger*;

(a) *D. Cantwel* Parisios infistorum deturpatorum exemplis scaterè narrat, & unum solum infitum audiendi sensu carentem refert. An inoculationis sit effectus?

ab illo autem tempore post triennium usque, illam tentare non suadet. Lactentes penitus segregat D. Ranby, ne si forte quædam pustulæ labiis aut linguæ superveniant, lac sugere horreant. Tempus verò magis opportunum à quadrimatu ad pubertatem usque desumitur. Pubertatis confinia præcipuè in puellis, nec non menstruorum tempora vitat D. Gandoger: etsi sæpè in quocumque morbi stadio & absque periculo fluxus ille appareat. Nequè ideo in adultis rejicienda est infitio; cui-cumque enim ætati competit, modò cum cautelis adhibeatur. Gravidæ infitioni exponere inconsultum est, licet in Angliâ quamplurimæ huic se subjecere operationi, & illis & infanti qui unâ fuit infitus. Generalis est adeò in Angliâ infitionis methodus, ut ubicumquè nullâ ferè habitâ temperamenti nec ætatis ratione, excolatur. Circumspectius autem nostris in regionibus agere debemus, dùm infensos adhuc hostes invenit infitio. Si quid enim mali eveniret infitioni potius, quàm imprudenti infitori adscriberetur.

Multum ut in aliis morbis contagiosis ad periculum augendum confert terror quò sæpè percutiuntur adulti; dùm infantium ignorantia in perfectâ eos securitate nutrit. Corpora aliundè eorum liberiori vivendi licentiâ nondum vitiata, Variolarum malignitatem facilius eludunt. Eligitur etiâ subjectum integræ valetudinis; dùm è contrâ robustos ac debiles, Variolæ spontaneæ, tum pravi tum boni temperamenti, confuse ac improvisò afficiunt, modo viatorem quibuscumque suppetiis orbatum, modò illum sævientibus morbis epidemicis, modò istum vigentes immoderatâ aut calidâ, vel frigidâ aëris constitutione, &c.

In gratiam infitionis habetur modus quo virus Variolosum inseritur. Effluvia enim contagiosa in Variolis naturalibus è morbofis corporibus emanantia, totam ægrorum atmosphæram replent, corpora sana præsentia circumcircuit ambiunt, & ab his non tantum per poros cutis, sed etiam respiratione & deglutione hauriuntur; ob subtilitatem suam intimius penetrant, ad viscerum interiora transeunt, & ratione majori minorive eorum malignitatis, digestiones, ac secretiones plus minusve turbant. Ibì enim, ex observatis, majorem suam exercet vim, ubi primùm admovetur virus Variolosum; ex quo agmen sæpè pravorum symptomatum emergit. Materia verò variolosa per infitionem in exterioris corporis habitu, è visceribus internis remoto in sanguinis oceanum infusa, multò segnius ac blandius operationem suam perficit. Desumi etiâ potest contagium exoptimæ notæ licet notante illust. Mead, plus referat in quem, quàm ex quò pus infundatur.

Exequitur autem hæc operatio tempore ad hoc institutum specialitèr electo, quod teste Pylarini in oriente desideratur hibernum. Idem tamèn, non sine ratione, vernum propter clementiorem aëris tem-

periem pariter idoneum esse judicat. Affluentiores vere & autumnō eruptiones observavit D. *Dimsdale*. In quācumque anni tempestate infitionem indiscriminatim perficit *Sutton*, hiemaleque tempus ut secundum magis præoptat. Nos verò vernale tempus hiemali anteponimus, imprimis in regionibus frigidioribus, ubi ob densitatem & inclementiam aëris pori corporis obstitantur, ac transpiratio liberior deficit. Nec ideo alias absolute anni tempestates excludimus, si quædam adjuncta, ut imminens epidemia Variolosa infitionem postulent. Quæcumque autem alia epidemia serio vitanda; Variolis enim se complicat, & utraque periculofior evadit. Quocumque autem tempore peragatur tuta hæc propyhlaxis. Corpora in quibus talem instituere animus est medicamentis unicuique propriis præparantur. Quod, notante Ill. *Tissot* non parvi ad Variolarum benignitatem est adjumenti. Essentia enim infitionis non est præcisè Variolas concitare, sed eas in corpus naturâ vel arte ad felicem exitum dispositum inferere. At verò circa præparationem generalia tantum præcepta tradere in nobis est. Non esse absolute necessariam, utilem verò fieri posse notat D. *Gandoger* cum celeb. *Petit*. Sæpius in adultis adhibendam esse censet D. *Rosen*, ad quem finem celebrat præparatum quoddam sub pilularum formâ, quarum basis præcipua est mercurius dulcis cum camphorâ. Descriptio autem earum perfecta, ac eas adhibendi methodus tentamen nostrum longius produceret. Consule auctoris eximium opus *de morbis puerorum*, ex linguâ Sueciâ in Germaniam conversum à D. *Murray*. Versionem quoque Gallicam, avidè exoptatam, propè diem divulgabit amicus meus D. *Verdeil* Medicinæ alumnus. Millenis experimentis in Sueciâ tentatis, pilulæ illæ comprobantur. Præscribuntur etiam imminentibus, aut vigentibus epidemiis Variolosis, uti antidotum ad arcendum virus Variolosi contagium, vel melius ad ejus acerbicatem castrandam. Observavit auctor prælaudatus in epidemiâ malignâ, quos in usum eas habebant Variolis vel nullis, vel saltè benignis affici. Admonet verò subjectis robustis & nondum infectis congruere tantum. Easdem virtutes adscribit aquæ piceæ D. *Berkley* in Hiberniâ Episcopus. Inter per multa experimenta Anglicana, quæ efficaciam ejus verum fatentur, relatu digna est observatio D. *Cantwel*. In Scotiâ sub eodem tecto, & in eodem conclavi jacebant pueri quatuor: ex iis unus Variolis laborabat; binis pater, per infitionem eas concitavit; quarto aquam piceam præbuit. Trini priores prosperè è morbo evasere, quartus verò contagium, non suscepit. Infitioni dein eum subjecit pater, aquam piceam semper propinando, sed vana fuit operatio. Binis mensibus peractis & neglecto aquæ piceæ usu, novam infitionem tentavit; benignæ adeò erupere tunc Variolæ, ut vix ægrotaret infitus. Faustos quoque de illius usu vidit effectus D. *Rosen*. Prior, *narrative of the success*

of the Tar-Water quam plurima experimenta refert de efficacia aquæ piceæ in Variolis. Quâcumque tamèn viiute donentur hæc remedia fuprà defcripta, locum femp̃er non merentur in infitionis præparatione. Ratio enim habenda temperamenti, idioſyncrafiæ, climatis, &c. Quandoque firmior eſt corporis affectio, & ideo frangenda; domandus ſi quidam ſit prævalens humor, ſi ſtomachus, tubusve inteſtinalis cruditates contraxerint, medicamentis moliri concoctionem neceſſe eſt. Cæterùm cum integra ſemp̃er in infitione valetudo ſit exoptanda, & requiratur, præparationem fieri nullam aut ferè nullam indè ſequeretur. Hoc nobis experientia Anglicana confirmat, & optimè prædixerat D. *Gatti*. Hæc ſunt præcipua infitivæ methodi fundamenta; quibuſdam objectionibus ab anti-inoculatoribus propugnata, quas hîc per tranſennam diſcutere officii ratio poſtulat.

Immeritò Variolarum recidiva poſt infitionem objicitur: enim verò ſi facta ab ortu inoculationis uſquè ad nos conſulamus; nullum novæ poſt veram infitionem Variolæ exemplum invenimus. In Circafiâ, ubi primùm invaluit nulla teſtatur recidiva. In noſocomio Londinenſi, nullum abſolutè videtur exemplum. Hoc ipſemet experimentum tentavit D. *Maty*, Variolas naturales jàm jàm paſſus novas ſibi per infitionem inferere voluit. Vana, etſi ritè ac cautè facta, fuit operatio. Si tale igitur quid ſemèl evenerit, notat celeb. *Mead*, cur non frequentius idem contingere videmus? Quid valere poteſt exemplum ſingulare, dubium certè & malè exploratum, cum in aliis ferè innumeris id genus experimentis, nihil tale unquàm uſu compertum fuit. Cæterùm etſi inter plurima falſa recidivæ exempla quædam poſſibilia aut vera ſint; quid ex his contrà infitionem inferre licèt? Nonnè teſtatur recidiva hæc in Variolis naturalibus? Ejuſdem naturæ annè eſt infitionis materia? An eædem cauſæ in iſdem circumſtantiis eoſdem conſtanter non producant effectus?

In validiori argumento promulgatum fuit per infitionem adaugeri contagium & propagari. Fatemur equidem contagii cauſam eſſe infitionem, & infitum propagationi Varioloſæ anſam præbere poſſe; ſed non præbebit, ſi attendamus per infitionem prævideri contagium, in ſeminario ſuo facile extingui, & propagationem ejus præcaveri poſſe, ſecernendo infitum ab hominum ſocietate, ſolis tantùm ſaluti ejus neceſſariis & Variolis jàm paſſis aditum dando. Sic removetur contagium immediatum; mediatum verò notabile non eſt, ſi vis contagii cujuſque individui ex quantitate puſtularum deſumatur, ut contendunt celeb. *Rosen*, *Gatti*. Experientiâ innititur hæc ſententia: nunquàm enim epidemicam fuiſſe infitionem Londinenſes, aliiquè varii infitores teſtantur.

Vidimus jàm *Boërhaavium* & *Lobbium* ferociſſimi iſtius morbi ex-

inctionis operam dedisse: felicem adhuc desideramus successum. Huic labori sese addidit D. *Rast*, Medicus Lugdunensis maximè commendandus, easdem contrà Variolas proponendo cautelas quæ à peste nos immunes fecere. An necessitatis Variolarum præjudicium, hujus salutaris methodi præcepta exequi impedit? An innumeræ & in exequendo difficiles viæ? De earum tamèn destructione non desperemus, & si modo quodam & facile obtineri potest, nonne per infitionem, ut jàm jàm ab hujusce Lycei Professore Regio illustrissimo D. *Venel* monstratum fuit in *dissertatione de Variolarum extirpatione*.

Quisnam ergò metus acer parentes impedit, ne inoculationi filiorum suorum manum præbeant. Nonne tot felices successus ipsis hanc licitant, quinmò necessariam suadent? Quânamne spe animus lætatur? Anne fortè putant hujus mali eos expertes fore? Errant toto cœlo; cum nos experientia docet perpaucos fuisse qui hoc non sint passi, nequè terreant de hâc methodo ratiocinia: observationes enim solis observationibus destruuntur. Si sollicitè ex omni terræ plagâ infitionis infortunia colligamus, rarissimas, imò dubias strages edere docemus; faustos verò eventus semper succedere. Si Constantinopolim sex millenis inoculationis triumphis claram, consulamus; unicæ cladis testem non habemus. Si computa Anglicana à diversis Medicis in primo infitionis ingressu instituta, perpendamus; longè pauciores proportionem servatâ, infitione quam Variolis naturalibus periisse demonstratur. Constat ex calculis D. *Jurin*, ferè decimam quartam hominum partem à Variolis spontaneis jugulari, sextam septimamve infectorum mori: & ex eodem compertum est ex infitione nonagesimam tantum partem è medio tolli: at verò ex quo eligitur subjectum aut perficitur ars, vix millesimus (a) ad patres migrat.

Hæc satis dicta sint de Variolarum infitionis utilitatibus. Si quis adhuc se veritati recuset, tot peritissimorum (b) virorum scripta perlustrèt, mòx quæ illi veritatis notitiam eripit, discutietur caligo. Miror quod in gente perspicaci adeò ac floridâ langueat adhuc, ac litem ducat infitio; dùm novos sibi fautores in vicinis regionibus colligit; dùm major ejus in dies fit successus; dùm Reges ac Principes, ejus, ardenti animo, benignitatis esse properant. Ubì in praxi habetur, ibi civium in dies numerus augetur; horrenda defædationis, mutilationis, ac depopulationis infortunia evanescunt: operarios recu-

(a) D. *Ranby* mille quingentos inoculationi subjecit, nec unum quidem amisit. D. *Middelton* ex octogintis obiit unus.

D. *Sutton* ex viginti millibus, duo tantum periit.

(b) *Boerhaave*, *Hoffman*, *Heister*, *Freind*, *Mead*, *Pringle*, *Huxham*, *Tissot*, *Petit*, *de la Condamine*, *Gatti*, *Dimsdale*, *Gandoger*, &c.

perant agrī, propugnatores imperia, protectores, & ornatores, artes & scientiæ. Quàm optandum ut sarcirentur leges ac regulæ quæ infitioni auctoritatem conciliarent? Quàm utilia essent nosocomia illa Londini condita pauperum infitioni dicata, æternâ laude dignum, humanum, & magnum adeo, ut nullum unquam, exemplum habemus in celsissimo Mœcenate meo: in suorum salutem semper studiosus, iussu dedit in principi sua ditioe, Medicos designavit, & pecuniæ summam illis assignavit, ut in omnibus pueris perageretur infitio; relinquendo tamē parentibus integrum ac liberum arbitrium: quod optimè successit.

CAPUT TERTIUM.

Operationem ipsam quod spectat, variis modis peragitur. Apud Sinenſes mollitèr introducitur in natos infantium aut puerorum, turunda è gossypio parvula, imbuta pure è pustulis punctis collecto. Et hic illorum mos si modò tutus esset, nec cerebrum offenderet, uti suspicari licet, delicatulis pergratus foret, nullis scilicet vulnusculis cuti impressis: at verò in Angliâ hæc fuit tentata methodus in filiâ morti dicatâ; præ aliis vulgari methodo infitis ægrotauit.

Inoculationis modus Constantinopoli à D. *Tymoni* sic describitur. In cubiculo calido, vernoquē tempore, vel autumnali, operator institutus levia aliquot vulnuscula infligit musculis brachii aut radii hominis inficiendi cum acu tricuspide, aut phlebotomo. Acum verò trajicit transversum, cutimque attollit, donec guttæ aliquot sanguinis è vulneribus extillent. Tunc operator locis pertusis immiscet, stylo obtuso vel auriscalpio, pus Variolosum, quod paulò prius extraxerat è tibiâ vel poplite sanioris adolescentuli, qui paucis & benignis Variolis fuit affectus. Pus verò colligebat in vas mundum occludendum, & in pectore tepido ferendum.

Sunt qui frōtem, genas, metacarpum &c. pungunt. Hæ verò partes cum sensibiles admodum sint, & ideo inflammationibus obnoxia, non adeo eligibiles sunt ac partes musculares.

In Walliâ Variolas sibi invicem communicabant studiosi, se acu pungendo, vel brachia tantum vel manus ad sanguinem usquē, Variolarum exsiccantium pustulis affricando: Variolosum solvebat inoculandus. Unde methodus hæc, *emere Variolas*, vocabatur.

Correcta fuit in Angliâ infitionis methodus. In eò autem tota consistit, ut superficiale vulnus polliculari longitudine, in brachio uno aut utroque, infligatur infrà musculi deltoidis tendinem. In hoc

vulnere filum imbutum pure laudabili, recens (a) extracto, admovetur; vel vesicatorii ope, quæ pejor est methodus, puri Varioloso aditus datur. Post viginti quatuor aut quadraginta horas tollitur apparatus, morequè solito simul aut bis in die vulnus curatur. Ad quartum quintum-ve diem inflammationis signa præbere jam incipit; dolor tunc in axillis apparet, boni ominis notante D. Ranby. Pustulæ circa septimum octavumve diem efflorescunt: vulneris tunc imminuitur inflammatio, & abundantior fit suppuratio. Quinto circiter die ab eruptione ad cicatricem tendit vulnus, & vigesimo, ab invasione morbi, expleta est cicatrix. Si seriùs verò glutinetur, ad illud solidandum ne nimis properes. Gravia enim exinde exurgì possunt symptomata. Quibus opitulandum suppressam revocando suppurationem.

Nova hodie methodus (b) incisioni substituitur, ope acus, extreme lanceolæ puris Variolosi imbuti, scinditur levitèr epidermis, ac elevatur pollicem intèr & indicem, cutiquè denudatæ applicatur pus, & deprimitur epidermis. Nèc emplastris, nèc fasciis tegere vulnusculum necesse est. Præcaventur hæc methodo suppurationis abscessuum, & ulcerum incommoda. Tertio operationis die, loco puncturæ apparet macula pulicum morsui affimilis, rubra sensim pustula evadit, vesicula tandèr lymphâ perlucidâ plena, uti & cæteræ pustulæ Variolosæ maturescit, sed ultima decedit. Sæpè tamèn evenit ut etsi contagium corpus invaserit, quinto sexto-ve diè adeò immutatam esse puncturam, ut de contagii invasione Medicus ambiget. At verò quò maturius inflammationis symptomata in puncturæ loco apparent, faustus eò magis erit eventus. Circà septimum invasionis diem febris aggreditur, & per triduum perseverat. Periculosior hæc periodus habetur, vel sola potiùs cui Medicus attentè advigilare debet, & in quâ summus est morbi eventus. Et quidèm, notante D. Gandoger, in hoc solùm stadio ægrotat infitus.

Symptomata eadem sed leviora sunt ac in Variolis naturalibus. Gravia rarò apparent; & si quæ sint, eadem methodo ac in illis leniuntur. Nec exemplo quorundam auctorum, eandem constantèr Medicinam in infitione adhibeamus. Sic circulatorum exemplo, pulverem tacitum, & tanquàm mysterium tenet D. Sutton, ac illi faustos suæ methodi exitus adscribit. Sic mitia cathartica eruptionis tempore constantèr prescribit D. Dimisdale, nauseas & vomitum, notante illo, restringunt,

(a) Virus Variolosum extractum, & per plures menses asservatum, votis adhuc respondet. (V. Mém. de l'Acad. de Chir. Tom. 2.)

(b) La méthode de Sutton.

tringunt, febrem & calorem internum imminuunt; & ad maturat-
 tionem usquè ea repetere suadet. Cum illo autèm dissentit *D. Ranby*,
 inutilia esse cathartica & emetica asserit. Pulverem cancrorum vel
 solum, vel cum nitro copulatum præscribit. Illa enim juxtà illum in-
 vomitum propensio, nisi eruptione factâ, evanescit. Si eruptionem
 motus convulsivi antecedant, vesicantia cervici apponit, ab eis au-
 tèm se abstinere suadet *D. Kirkpatrick* si febris proximè convulsionibus
 superveniat. Infinita autèm esse hæc præcepta neminem fugit; singu-
 laris enim casus, uti fuit observatum, singularem requirit métho-
 dum. Certas verò ac definitas leges præscribere in immensum ser-
 peret. Cæterùm Variolarum naturalium therapeia infitioni optimè
 congruit. Observandum tantùm, quod in hoc consentiant autores, &
 meritò à quibusdam pro infitionis successuum basi habetur, ægrum
 è lecto surgere toto in morbi decursu, levi agitatione corpus gestare,
 cubilis nec-non conclavis calorem vitare, aërem purum, tempera-
 tum, & levitè refrigerantem trahere. Ubi eruptivæ febris sympto-
 mata apparent, ægros in aëre libero, etsi frigidissimo, exponi *D.*
Dimisdale aquamque frigidissimam ad libitum proponit. Modum verò
 exeunt in Angliâ infitores, & subeunt quandòque chronici qui
 ægrum absumunt. Magnas igitur restrictiones patitur regula hæc
 apud nostrates, & Medicum tenere satius est.

Tertio die à febris invasione apparent pustulæ, febris evanescit.
 De ægro felix tunc & tuta prognosis dari potest. Suppurationis &
 exsiccationis stadia in Variolis naturalibus, ob febris secundariæ in-
 vasionem critica valdè ac periculosa, ab omni sævitie vacua in infi-
 tione observantur. Postrema hæcce duo stadia *Apyretos* decurrit
 æger, deambulat, & sua liberè negotia gerit. Morbo jam affecto ca-
 thartica repetita, nisi admodum adversa sit indicatio, suadet *D.*
Kirkpatrick. Kinakina à quamplurimis celebratur.

FINIS.



DISPUTATURI

R. R. D. D. PROFESSORES REGII.

R. D. JOANNES-FRANCISCUS IMBERT , *Cancellarius
& Judex.*

R. D. FRANCISCUS DE LAMURE , *Decanus.*

R. D. GABRIEL-FRANCISCUS VENEL.

R. D. CAROLUS LE ROY.

R. D. PAULUS-JOSEPHUS BARTHEZ.

R. D. GASPAR-JOANNES RENÉ.

R. D. ANTONIUS GOUAN.

R. D. FRANCISCUS BROUSSOUNET.

ANTECESSORES REGII VETERANI.

R. D. HENRICUS HAGUENOT , *Decanus , Professor
Emeritus.*